



醫方筆記



內力筆記

中風痰傷  
瘧疾



先醒齋精選

遊轍四維攜秘籍

# 醫方筆記

執匙萬病奏奇効

先醒齋筆記自叙

先大夫雅好醫錄方幾成帙  
予小子試之茫乎無緒也歲  
丁亥交繆仲淳氏仲淳豪爽  
自負岐黃之訣諦東垣仲景  
以上尤注精本草曰三墳書

不傳者此爾遊輒不持藥  
囊為人手疏方輒奇中其所  
矜視及刀匕湯液與俗鑿左  
倍鑿不能解輒謗遇險恠症  
數年不起或皇遽計無復之  
必拱手請瘞繇先生仲淳往

往生此人攘臂自快不索謝  
上自明公卿下至卑由院乞  
兒直平等視故索方者日益  
相知錄其方迺相傳試靡不  
奇驗仲淳一切無所恠曰願  
用之何如余仲淳意所獨到

堅<sup>ク</sup>執<sup>テ</sup>不<sup>レ</sup>移<sup>ラ</sup>至<sup>テ</sup>俗<sup>鑿</sup>相<sup>顧</sup>却<sup>ケ</sup>走<sup>レ</sup>  
意<sup>氣</sup>閑<sup>定</sup>自<sup>若</sup>其<sup>察</sup>脉<sup>審</sup>症<sup>四</sup>  
顧<sup>知</sup>躄<sup>又</sup>甚<sup>細</sup>甚<sup>虛</sup>甚<sup>小</sup>  
心<sup>生</sup>平<sup>好</sup>游<sup>縮</sup>流<sup>羽</sup>客<sup>樵</sup>叟<sup>村</sup>  
豎<sup>相</sup>與<sup>垂</sup>眄<sup>眄</sup>披<sup>肝</sup>膽<sup>以</sup>  
故<sup>蒐</sup>羅<sup>秘</sup>方<sup>甚</sup>富<sup>然</sup>惟<sup>仲</sup>淳

能<sup>衰</sup>之<sup>曰</sup>吾<sup>以</sup>脉<sup>與</sup>症<sup>試</sup>方<sup>不</sup>  
不<sup>以</sup>方<sup>嘗</sup>病<sup>也</sup>予<sup>辛亥</sup>  
賜<sup>告</sup>歸<sup>不</sup>敢<sup>以</sup>山<sup>中</sup>餘<sup>日</sup>漫<sup>付</sup>  
高<sup>枕</sup>彙<sup>三</sup>十<sup>餘</sup>年<sup>所</sup>積<sup>方</sup>取<sup>奇</sup>  
中<sup>者</sup>裁<sup>之</sup>仲<sup>淳</sup>并<sup>錄</sup>後<sup>先</sup>  
鑿<sup>案</sup>類<sup>而</sup>梓<sup>之</sup>以<sup>廣</sup>其<sup>傳</sup>竊

自附<sub>下</sub>古人手錄<sub>方</sub>書之<sub>意</sub>云  
仲淳諱希雍海虞故家子多  
僑寓<sub>所</sub>至稱寓公  
癸丑春白曲肱道人丁元薦  
題



先醒齋醫方筆記總目

○中風門

○治法大略 一葉

○治口角歪邪目耳俱痛右頰浮腫醫案

○治右半身不遂方 四

○寒暑門

○時氣傷寒 五

○治瘟疫頭疼身熱口渴吐白沫晝夜不休醫案

○治熱病頭疼壯熱渴甚且嘔鼻乾不得眠醫案

○治傷寒發熱兩日夜不省人事醫案 六

○治娠婦傷寒頭疼壯熱渴甚舌上黑胎醫案

○治婦人傷寒醫案 七葉

○治傷寒頭疼身熱舌上胎胸膈飽悶醫案

○治熱入血室發狂欲殺人醫案

○治感冒壯熱舌生黑胎煩渴勢甚醫案 八一

○治傷寒熱解後下血不止醫案

○治傷寒愈而復復而愈愈而再復不知其幾醫案

○治素虛感冒頭痛肌痛發熱醫案 九一

○治因房勞食犬肉傷寒至發狂登屋奔走呼號醫案

案 ○傷風咳嗽醫化丸 ○治傷風後耳聾

○治傷暑 ○治夏月身熱十晝夜止飲白湯醫案

○治盛夏咳嗽因浴受驚又傷食太熱醫案

○傷暑霍亂神方 十一 ○治中暑昏眩煩悶欲死

○治中暑大小便不通 十二

○瘧疾門

○發熱口渴主方

○治熱多作吐頭痛口渴無汗或汗少

○治寒多熱少無汗

○太陽經瘧頭痛遍身骨痛項脊覺強主方 十三

○治秋濇寒熱甚而汗多者

○陽明經瘧熱甚渴甚煩躁惡人聲惡心不眠主方  
○少陽經瘧往來寒熱相等口苦而嘔或兼耳聾胸

脇痛主方十四

○太陰脾瘧寒從中起寒甚而後熱嘔甚嘔已乃衰

主方十五

○少陰經瘧惡寒心煩而渴小便艱澁無汗躁欲去

衣或手足冷或欲飲水或咽痛主方

○厥陰經瘧色蒼蒼然善太息不樂主方

○治陽分間日瘧寒熱俱甚煩躁舌胎十六

○治隔一月一發先熱後寒熱少寒多午時發頭疼

筋骨痛唇燥口乾惡心無汗後半夜凉天明頭

痛止上 ○治胎前瘧熱多口渴方

○治胎前瘧寒甚不渴少汗方

○治產後瘧主方十七 ○治三日瘧寒多

○治三日瘧寒熱俱甚或早晏不齊作止不一

○治三日瘧熱多渴甚十八

○治三日瘧寒多熱少汗少或無汗

○治三日瘧陰分十九 ○治三日瘧

○治瘧邪未盡而痢作者 ○治久瘧不已似勞證

○防瘧方二十 ○瘧湯液丸散無殊病遂從暑治醫案

○苦瘧憊甚疏三方得効醫案

○虛瘧以大劑參芪得効醫案廿一

○治胎瘧久不止醫案

○治瘧後失音寒熱愈甚醫案 ○治停食發瘧醫案

○痢疾門 滯下俗呼痢疾

○滯下如金丸廿二 ○護心奪命丹 治虛弱人痢久脾胃虛者

○又滯下丸廿三 ○治血痢痛甚湯液廿四

○治噤口痢 ○治久痢紅中兼有青色白痰發熱

○治噤口痢吐不納藥者 ○大黃丸廿五

○八十餘夫人患痢胸膈脹絕粒數日治驗

○治過勞感暑滯下純血醫案 ○特行疫痢醫案

○治幼子病痢誤下之遂下純血氣喘身熱不食醫

案 ○治痢日夜百行身熱發嘔一嘔數十聲

不絕醫案 ○治濕熱腹痛滯下醫案廿六

○治痢誤投泄劑遍攻肢體骨節間項強日赤肩臂

腕膝足脛俱發腫痛甚不能轉側醫案廿七

○脾胃門

○黃病有積神方廿八 ○治老人傷冷食及難化物

○治胃脘痛 ○治胃中有痰欲吐廿九

○治脾經痰飲五更咳嗽喉中如有物咽之不下

○治痰嗽吐不已胸膈有冷物上塞飲熱湯稍下

○化痰生津膈化丸治膠痰不治 ○治痰葉三十

○濕痺方 ○治蠱脹由于脾虛有濕

○蠱脹元氣有餘有痰飲治驗廿一 ○中滿蠱脹治驗

○脾腎雙補丸治腎泄虛有火 ○脹鳴晨泄治驗

○治腹中有癥瘕不食不眠煩懣身熱醫案

○治中氣虛不能食食亦難化作泄胸膈不寬醫案

○治腹痛作泄廿三 ○治大便不通

○治七十餘老人大便燥結胸中作悶醫案廿四

○寒熱不食治驗 ○目黃脾氣弱治驗

○黃疸治驗 ○治泄瀉病在陽明胃太陰脾者廿五

○神効沈香丸又名聚審丹 ○治胃脘寒痰結阻翻胃嘔吐飲食不通及腹痛諸氣作痛等

○虛弱門

○天主補心丹廿六 ○加味六味地黃丸

○治目疾久不愈 ○治虛眼痛廿七

○治肝腎二經目疾 ○治不眠

○烏鬚明目丸廿八 ○補心腎久服輕身延年方

○補虛丸方 ○涼血太濕補陰益氣丸

○治虛弱陰精不足 ○養陰涼血補心滋腎丸廿九

○集靈膏補心腎益氣 ○通真延齡丹血延年益壽

○夢遺封髓丹四十 ○種子方

○補腎健脾益氣方四十 ○治老年腰痛

○腹痛按之則痛緩此必虛症治驗

○治臂痛方四十 ○治上逆每食噎氣醫案四十

○咳嗽飽脹痰喘水火不通眠食俱廢治驗四十

○治平日勞心致心血耗散右足五指麻冷已至膝

不省人事醫案

○因努力發心腹飽滿疼痛直至臍下皆板兩脇空

鬆不可言腹寒欲就火火至稍睡痛止治驗四十

○患遺精聞婦人聲即泄瀉甚欲死治驗四十

○腰痛治驗 ○盜汗治驗 ○治噎方四十

○治溺有餘瀝精不固 ○治鼻衄腸風腹脹便燥

○治腿酸足脛痛方 ○補腎固精方四十

○治弱症吐血夜熱不眠腰痛方 ○久嗽噲化丸

○治患目珠痛如欲墮胸脇及背痛甚晝夜咳嗽眠

食俱廢醫案 ○治寒熱咳嗽面赤鼻塞醫案四十

○酒色過度氣喘不能眠坐治驗

○氣喘自汗晝夜不眠食治驗 ○吐血三語訣五十

○治陰虛內熱醫案五十 ○吐血治驗

○加味六味地黃丸 治吐血 ○煎方

○治陰虛喉痛喉間血腥氣聲啞到此便難措手方

○婦人門

○治婦人血熱經行先期五十○加減正元丹治婦人經

不調○治血熱經行先期腰腹痛發熱治無子○治

血虛經行後期○治血虛經行後期太甚治腎泄

邊頭疼五十○又治經行後期太甚治脾泄

○治婦人腎泄無子五十○婦人患痰嗽三年骨立

經不行諸醫誤為積血或為血枯果為孕醫案

○安胎將墮欲死方○保胎資生丸

○治惡阻五十六○胎前嘔吐也○烏蠶魚湯治妊娠腹脹

○治子懸即胎上冲治胎驚胎熱一受孕即宜預服

○治小兒臍風撮口孕時母服可預解一切胎毒

○催生累驗方五十○琥珀丸專治婦人生產艱難下

○家毒丹專治婦人產難胎衣不下血暈胎死腹中

切諸病雜○治橫生五十○治胞衣不下症俱效

○產後調理方○預防血暈神方五十

○治產後虛脫兼防血暈○治產後虛喘六十

○產後食冷物怒傷脾作泄不止手足冷發喘治驗

○產後氣喘自汗無間醫案○產後腿疼不能行

立久之飲食不進困憊之極醫案

○產後發寒熱咳嗽不止治驗六十葉

○產後頭疼大便秘治驗六十 ○產後發狂持刀殺

入治驗 ○產後驚悸聞聲輒死非用力抱持

則虛煩欲死醫案 ○小產後陰血暴崩作暈

惡心牙齦浮腫喉嚨作痛日夜叫號不絕醫案

○治女人血崩六十 ○血崩治驗 ○婦人舟中

為火所驚身熱羸弱幾成瘵醫案六十

○婦人腹痛連少腹上支心日夜靡間百藥不効醫案

○婦人因鬱火痰喘身熱手拳目張半月不眠食醫案

○婦人心中痛胸中有一物上升沖心三婦人用力

捺之不下叫號欲絕治驗六十

○婦人心痛連下腹如有物上下狀痛不可忍醫案

○婦人心中痛甚日夜不眠手摸之如火醫案六十

○婦人喉間如一物上下作梗前後板痛治驗

○女子頭痛作嘔米飲不能下治驗 ○治白帶

○治老年白帶六十 ○世母因兒痘驚苦積勞虛

煩不得臥心膽虛怯觸事驚悸治驗

○婦人因心女忽腰痛轉側艱苦至不能張口受食

醫案 ○婦人中滿腹脹兼崩淋下虛醫案八十

○幼科門 附 痘疹

○初生兒粉草淡荳豉重湯煎方七十

○初生臍帶灸治法 ○兒生下免驚風撮口法

○治撮口方 ○治月內啼 ○治胎驚七十

○治胎瘧 ○治小兒癩症或驚風不止

○疳積散七十二 ○治小兒乳食不節傷脾面黃腹

羞明生翳形骸骨立夜熱 ○肥兒丸

○治疳瀉痢見紅白積者七十 ○治食積成疳

○治小兒疳症唇白或紫腹大面黃髮乾上指

○治疳眼 ○治小兒走馬疳百驗方七十

○治小兒心口疼 ○小兒二便俱血醫案

○小兒自幼心痛得于母氣不時發者發時飲食不

進呻吟反覆治驗 ○幼兒寒熱勢甚諸醫為

傷寒藥之不効為內傷奏驗醫案七十

○猴疳方此胎毒濕熱從肝門或陰囊邊紅暈

○幼郎患癆疳嗜食易饑腹如蜘蛛泄瀉無度指節

無剩肉其母亦骨蒸勞熱療子母治驗七十

○慢脾風愈後恣飲食連浴兩腎痰壅沈迷面目俱

浮胸腹腫滿嘔吐乳食不進角弓反張二便交

祕治驗 ○琥珀丸方七十

○治驗云萬中丞涵臺患痰證合琥珀丸不用棄去

馬銘鞠曰此幼科絕勝藥也開絨而琥珀清香之氣觸鼻入腦光瑩可愛取之凡遇慢驚所投神驗兼治小兒一切虛證如華虛舟五郎起甚善哭週歲中每哭即氣絕絕而甦一飯時許矣至三歲外其病目淚哭而絕絕而甦甚至經時初或一月一發半月一發後則頓發有日再發者投以此藥人參圓眼湯下數丸遂瘥

○從妹患泄後虛弱腹脹不食治驗七十 ○稀痘神

方痘症有血熱毒盛氣虛毒盛二別之醫案七十

○兒幼遇冬痘不起圍爐抱兒火氣薰兒痘起治驗九十

○腰痛痘不起以此法痘起痛尋解治驗八十

○痘症腰痛有易治難治二致醫案

○痘症血熱甚紫色轉紅治驗八十

○因新婚兼酒食忽感痘寒戰咬牙謔語神思恍惚

嘔吐大便燥結舌裂群醫束手時解陽明熱治

驗 ○治痘喘 ○治火痘毒盛遇火令

○痘泄毒火太熾不以脾胃藥而以解利藥醫案

○幼兒痘症發痒作瀉晝夜二十餘行口渴唇燥舌

生白胎醫案八十

○痘泄以升瀝之劑不効用酒炒白芍藥即止治驗

○治痘虛寒將行漿時作泄三葉 ○痘患血熱兼氣虛毒盡作泄日數次不止痘平陷治驗

○痘後泄以鴉片不止用糯米蓮肉糜立止治驗

○痘已脫痂少腹脹小水不通以利水解毒藥愈脹

用脾虛下陷藥治驗

○治痘後脾虛作泄老人患此更效

○痘已脫痂初無他苦視其目精無神帶白卓識

○治痘痂艱脫八十 ○痘疔神効方

○治痘後翻癩不拘上下部腫爛 ○防痘傷目方

○治痘後病目兼治血熱病目而脾胃壯實者八十

○痘後目痛上白壓不見物治方 ○痧癩論并治法

○痧癩續論八十 ○治痧癩發不出喘嗽煩悶躁亂各

○痧癩治驗八十 ○治痧後下積滯八十

○治痧後口瘡 ○治痧後瘡 ○附海上方

○治蛔結丸方

○腫毒門

○疔疽一切腫毒神方八十 ○祕傳治癰疽訣

○圍陰症瘡瘍 ○圍陽症瘡瘍九十

○灸癰疽藥餅 ○治發背及腫毒圍藥

○治發背神方 ○太乙膏方九十

○治背毒初起

○托裏敗毒散

○潰後服藥九十二葉

○晉針散

○去爛肉方

○長肉方

○護膜礬蠟丸

○治癰疽對口疔瘡發背

切無名惡腫毒方名無敵大將軍九十三

○治疔丸九十四

○治疔膏九十五

○疔毒神驗方

○鬚疔醫案

○治耳邊發腫連太陽腮齒俱痛不可忍九十六

○治乳鴛九十七

○纏喉風方即喉痺

○治喉癰內熱九十八

○醫案

○喉痺方 ○治瘰癧

○瘰癧丸方九十九

○醫案

○夏枯艸湯九十九

○治熱癰一百

○治對口癰 ○治頰下發一硬塊而不痛似石癰方

○敷藥方 ○治生癰臂上方一百一

○治肺癰 ○乳癰乳痛方 ○乳岩乳癰醫案一百二

○圍藥 ○治腹中腫毒會膿散方 ○治脇癰

○治腸癰醫案 ○治便毒一百三 ○治下疳

○治蛙疔服藥一百四 ○治痔瘡出血過多 ○治漏

○坐板瘡方一百五 ○治醫癰 ○治下部火丹

○治懸癰一百六 ○跨馬癰醫案 ○治腿癰醫案

○治生癰膝下楚甚方 ○治腿癰醫案一百七

○治鶴膝風 ○瘰癧方 ○足指疔毒一百八

○治微瘡醫案微瘡俗呼賣瘡 ○治結毒頁九 ○治結毒醫案百十

○昇藥五靈散 ○神効敷藥方百十 附海上單方百十

○雜症門

○頭風神方百十 ○治半邊頭痛 ○鬱證醫案

○治筋骨疼甚如夾板狀痛不可忍者百十 ○痢症方

○風癩病神方 ○治火升有痰留滯喉間如有核

○治酒毒病骨疼醫案百十 ○治血痞沈香丸

○烏鬚神方百十 ○碧霞丹治內障外障暴赤眼眵淚昏花翳膜

○洗眼方 ○牙痛方百十 ○擦牙散 ○治胃火牙疼

○治聾 ○治耳中癢痛或出水出膿

○稀發丸治爛風及風疹作癢如神 ○解牛肉毒

○治疝氣痛方 ○疝攻上作痛祕方 ○木腎方

○治便紅或因酒毒發者百二 ○腸風

○治腸風因飲酒過多 ○治獐犬傷百 ○治蜈蚣傷

○治蛇傷 ○治耳中虫入痛且癢百藥無効神方

○跌打祕方百廿 ○金瘡并跌打破損出血方

○金瘡止血方 ○金石湯火跌損方

○桃花散治跌損刀傷 ○火傷兼治湯泡方

○火燒爛神方百廿 ○湯火神驗方 ○治水澆

○臨秋預服藥百廿 ○杖後前劑 ○杖丹

○杖丹散血ヲ ○杖丹長肉ヲ ○洗湯

○治杖夾神方 ○杖傷丸方百廿五 ○杖癩方

○杖丹

○附海上單方

○顛犬咬方百廿六 ○劉襟湖驗過方顛犬咬

○治酒疸ヲ ○治刀瘡ヲ ○治小兒疳症方

醫方筆記總目錄大尾

先醒齋筆記

一應禁忌炮製臨用細查前法凡湯液一切用長流水或山泉之甘冽者

中風

治法大畧

凡言中風有真假內外之別差之毫釐誤以千里何者西北土地高寒風氣剛猛真氣空虛之人猝為所中中臟者死中腑者成廢人中經絡者可調理而瘳治之之道先以解散風邪為急次則補養氣血此真中外來風邪之候也其藥以小續命湯桂枝麻黃生熟附子羌獨活防風白芷南星甘草之屬為本若大江巴南之東西兩浙七閩百粵兩川滇南鬼方荆揚

梁三州之域天地之風氣既殊人之所稟亦異其地絕無剛猛之風而多濕熱之氣質多柔脆往往多熱多痰真陰既虧內熱彌甚煎熬津液凝結爲痰壅塞氣道不得通利熱極生風亦致猝然僵仆類中風證或不省人事或語言蹇澁或口眼歪斜或半身不遂其將發也外必先顯內熱之候或口乾舌苦或大便秘澀小便短赤此其驗也劉河間所謂此證全是將息失宜水不制火丹溪所謂濕熱相火中痰中氣是也此卽內虛暗風確係陰陽兩虛而陰虛者爲多與外來風邪迥別法當清熱順氣開痰以救其標次當

治本陰虛則益血陽虛則補氣氣血兩虛則氣血兼補久以持之設若誤用治真中風藥如前種種風燥之劑則輕變爲重重則必死禍福反掌不可不察也初清熱則天門冬麥門冬甘菊花白芍藥白茯苓括婁根童便順氣則紫蘇子枇杷葉橘紅鬱金開痰則貝母白芥子竹瀝荆瀝括婁仁次治本益陰則天門冬甘菊花懷生地當歸身白芍藥枸杞子麥門冬五味子牛膝人乳白膠黃柏白蒺藜之屬補陽則人參黃耆鹿茸大棗

乙卯春正月三日予忽患口角歪邪右目及右耳根

俱痛右頰浮腫仲淳曰此內熱生風及痰也治痰先清  
火清火先養陰最忌燥劑

真蘇子錢三廣橘紅錢三括婁根錢三貝母錢四天門冬錢三麥  
門冬錢五白芍藥錢四甘草錢七鮮沙參錢三明天麻錢一甘菊  
花錢三連翹錢二河水二鍾半煎一鍾加竹瀝一杯霞天  
膏童便饑時服日二劑初四至初九日加懷生地黃  
三錢初十加牛膝錢四黃栢錢二十三日去連翹加石斛錢三  
五分五味子錢七白扁豆錢二乾葛錢八十八日去連翹天麻  
乾葛白扁豆加蓮肉錢四粒十

正月廿二日定方 初日進二劑後每日一劑

天門冬錢三麥門冬錢五生地黃錢五白芍藥錢四牛膝酒蒸  
炙甘草錢一貝母錢二括婁根錢二蓮肉粒四酸棗仁錢六真  
蘇子錢二黃栢錢一甘菊花錢二鮮沙參錢三廣橘紅錢二  
五味子錢八河水三鍾煎一鍾饑時服

二月十二日定方

天門冬錢三麥門冬錢五真蘇子錢二廣橘紅錢二白茯  
苓錢三貝母錢三黃栢錢一括婁根錢二五味子錢七鮮沙參  
錢三玄參錢二甘菊花錢五甘草錢一酸棗仁錢五生地黃  
錢四白芍藥錢四牛膝錢五蓮肉粒六十日後去括婁根三  
月廿八日去玄參加石斛錢三至五月盡病始全愈方

中魯加參二錢服一劑  
反覺浮火上升即去之

丸方

胡麻仁三十觔即桑葉酒拌蒸何首烏三十觔九蒸九晒

兩倍蒼術酒蒸又拌入乳蒸凡三次蒸時須烘晒極乾

透氣方牛膝如法甘菊花二觔懷生地三觔天門冬去心酒

栢子仁二觔黃檗一觔枸杞子二觔

又丸方先時合成病中仲淳以為可服

人參去蘆人乳浸飯上五味子去枯者打碎蜜山茱

萸肉八兩沙苑蒺藜一兩半炒為末川巴戟天如法

以甘菊花枸杞子同蓮鬚金黃色者枸杞子去枯者

乳潤過烘川牛膝去蘆酒天門冬六兩蓮肉去心每粒

塊瓦器內炒焦白茯苓如法人乳黃栢蜜炙砂仁炒

兩懷生地鹿角霜酥拌炒研如鹿茸六兩火燉

炙菟絲子末加甘菊花六兩煉蜜同蒺藜糊和丸如

梧子大每六錢空心饑時各一服淡鹽湯吞

治右半身不遂右屬氣虛

白蒺藜炒去刺甘菊花何首烏如黃耆蜜炙天門冬去

麥門冬去心人參去蘆漆葉酒拌九蒸九白茯苓水白芍

藥酒炒牛膝去蘆酒蒸川續斷十兩橘紅八兩煉蜜丸梧子

大空心白湯下忌食白萊菔牛肉牛乳○若在左者

屬血虛宜加當歸身熟地黃鹿角膠栢子仁各一兩杜仲八兩○如火盛多痰肺經有熱者去人參加青蒿子驚甲各十兩如左右臂俱轉掉不便者亦用此方王宇泰治臧位宇氣虛痰多脾胃有濕晚年半身不遂神效

人參一兩半夏二兩薑汁二兩白朮半兩牛膝一兩天門冬一兩懷生地一兩用長流水煎成膏再入鹿角膠一兩虎骨膠一兩震天膏一兩河間府梨膏一兩煉蜜二兩各製膏和勻重湯煮一日夜出火氣每空心臨臥取半酒杯以竹瀝梨汁各二杯人乳素瀝各一杯和勻重湯頓熱調服

先醒齋筆記

寒暑

時氣傷寒 除陰症不可服

苦參一兩水酒各一碗煎八分重者水醋各半服之一汗而愈不論傷寒久近立効本草云天行尤良

史鶴亭太史丁亥春患瘟疫頭疼身熱口渴吐白沫晝夜不休醫師誤謂太史初罷官歸妄投解鬱行氣藥不効又投以四物湯益甚諸醫謝去謂公必死遣使迎仲淳至病二十餘日矣家人具以前方告仲淳曰誤也瘟疫者非時不正傷寒之謂發于春故謂瘟

疫不解表又不下使熱邪彌留腸胃間幸元氣未盡故不死蘇合香散淡豆豉許知母石膏許知母兩劑大汗而解時大便尚未通太史問故仲淳曰昨汗如雨邪盡矣第久病津液未回故大便不通此腸胃燥非有邪也今日食甘蔗二三株兼多飲麥門冬湯不三日去燥糞六十餘塊而愈

章衡陽銓部患熱病病在陽明頭疼壯熱渴甚且嘔鼻乾燥不得眠診其脉洪大而實仲淳故問鑿師鑿師曰陽明證也曰然問所投藥曰葛根湯仲淳曰非也曰葛根湯非陽明經藥乎曰陽明之藥表劑有二

一為葛根湯一為白虎湯不嘔吐而解表用葛根湯今吐甚是陽明之氣逆升也葛根升散故用之不宜白虎湯硬石膏知母甘草加麥門冬竹葉名竹葉石膏湯

石膏辛能解肌鎮墜能下胃家痰熱肌解熱散則不嘔而煩躁壯熱皆解矣遂用大劑竹葉石膏湯疏方與之且戒其仲君曰虜荊非六十萬人不可李信二十萬則奔還矣臨別去囑曰斯時投藥五鼓瘥天明投藥朝食瘥已而果然或謂嘔甚不用半夏何也仲淳曰半夏有二禁渴家汗家血家是也病人渴甚而嘔是陽明熱邪熾盛劫其津液故渴邪火上升

故嘔半夏辛苦溫而燥有毒定非所宜又疑其不用  
甘草何也曰嘔家忌甘仲景法也  
高存之隣人賣腐者傷寒發噦兩日夜不省人事其  
子乞方仲淳問曰汝父當時曾頭疼身熱乎曰然曰  
曾服汗藥乎曰未也會吐下乎曰未也仲淳因索傷  
寒書檢之其方類用乾薑柿蒂丁香及附子等溫熱  
之藥末條僅載白虎湯一方仲淳思之曰傷寒頭疼  
身熱口渴本屬陽明熱邪傳裏故身涼發噦未經汗  
吐下邪何從而出第其人年老多作勞故于白虎湯  
中加參錢三一劑立起

于潤父夫人娠九月患傷寒陽明證頭疼壯熱渴甚  
舌上黑胎有刺勢甚危仲淳投竹葉石膏湯索曰藥  
子醫馬不得卽以井底泥塗臍上乾則易之一日夜  
盡石膏十五兩五錢病瘳越六日產一女母子金無  
恙

存之一家人婦傷寒來乞方仲淳已疏方與之矣見  
其人少年問曰若曾病此乎曰然曰愈幾日而妻病  
曰八九日曾有房慾否曰無之仲淳故曰若有房  
慾此方能殺人也其人卽置方不取遂以禪襦雄鼠  
糞麥冬韭白柴胡一劑勢定更用竹皮湯二三劑全

愈

姚平子傷寒頭疼身熱舌上胎胸鬲飽悶三四日熱不解奄奄氣似不屬者一醫以其體素弱病久虛甚意欲投參少許仲淳叱曰參一片入口死矣亟以大黃一兩瓜蒌一枚連子切片黃連枳實下之主人驚疑不得已減大黃之半二劑便通熱立解遂愈

張太學璇浦內人患熱入血室發在欲殺入白下墜以傷寒治之前藥未服陳錫玄邀仲淳往診仲淳云誤矣覆其藥投一劑而安先與童便繼與涼血行血安心神藥遂定

翁文學具茨感冒壯熱舌生黑胎煩渴勢甚劇時稽勳諸昆仲環視揮涕群鑿束手仲淳以大劑白虎湯一劑立甦或問仲淳治傷寒有秘方乎仲淳云熟讀仲景書即秘法也自虎湯中曾加人參三錢

一奴傷寒熱解後復下血不止主人以痢藥投之更甚仲淳云此傷寒失汗之餘症也用地榆麥門冬知母竹葉以代仲景諸血證藥遂愈  
常熟吳見吳在京邸時有小青不患傷寒愈而復復而愈愈而再復不知其幾趙文肅公謂仲淳曰此非兄不能救他人亦不肯往仲淳亟馳診之病人面色

黃白六脉微弱大便不通胸中不快亦不思食曰此  
 為傷寒百合壞證之餘邪且退矣胸中不快虛而氣  
 壅非實邪也不大便秘者久病津液枯氣弱不能送也  
 按以人參錢五麥門冬兩許枳殼錢八盡劑立解而瘥  
 梁谿一男子素虛春中感冒頭痛肌痛發熱羌活錢二  
 麥門冬錢三炙甘草錢一紫蘇錢一北細辛分七前胡分一  
 次日頭痛止熱未退口渴仲淳用芍藥五味子人曰  
 風邪未退遽用酸斂何也曰因人而施爾一杯即愈  
 麥門冬錢三甘草錢一括婁根錢二乾葛錢一桑白皮錢三  
 桔梗錢一白芍藥錢一五味子分五

從祖近湖公少年因房勞食犬肉傷寒諸醫以其虛  
 也攻補兼施至發狂登屋奔走呼號日夜令壯夫看  
 守者幾月餘急走使延朱遠齋遠齋先命煎人參膏  
 二十觔以待用潤字號丸藥數錢下之去黑糞無筭勢  
 遂定奄奄一息隣于死矣徐以人參膏灌之至百二十  
 日全瘳

傷風咳嗽喻化丸 有患久嗽者數丸而愈

真龍腦薄荷葉三兩生乾薑六錢百部酒浸去心麥門  
 冬去心天門冬去心桑白皮蜜炙枇杷葉蜜炙蘇子  
 一兩炒貝母去心桔梗米泔浸蒸甘草蜜炙天花粉一兩  
一兩

玄參兩一 北五味蜜蒸 極細末煉蜜丸如彈子大不時  
噙化臨臥更佳 仲淳定

治傷風後耳聾 仲淳定

甘菊花錢二 石菖蒲忌鐵 柴胡分六 括婁根錢二 貝母去心  
前胡錢一 甘草分六 北細辛分四 蘇梗錢一 桑白皮忌鐵 加竹  
瀝一杯不拘時服

治傷暑

高存之次郎童時夏月身熱十晝夜止飲白湯諸醫  
汗之不解以麻仁丸下之熱如故皇急中仲淳忽至  
診曰此傷暑也白虎湯是其本方因誤汗下虛甚加

人參錢三 一劑微汗瞑眩少頃熱解更疏一方防其瘧  
痢仍用人參錢二 兼健脾胃清暑導滯之劑未幾瘧作如  
方飲之瘧止痢又作存之不得已于生脉散中加益  
元散飲之兕疰羸甚諸醫曰數日死矣舉家惶急  
禳禱紛紜仲淳復自松陵來存之語之故仲淳曰生  
脉益元散得之矣不診而諦視兕問糜其否曰其大  
呼曰病去矣存之且喜且訝兕且夕虞不保兕言何  
易也仲淳曰視兕目光炯炯且飲食味甘是精神已  
王胃氣轉矣尋果脫然起

臧玉涵子歲半盛夏咳嗽七日因浴受驚又傷食大

熱倦頓二百不敢與藥日翳唇壘舌乾謀之仲淳曰  
 此暑病也當與白虎湯王澐曰腹瀉石膏無害乎曰  
 先以天水散探之服十錢少頃藥夾痰而吐微汗身  
 涼黃昏復熱又與天水散一錢不効仲淳曰其為暑  
 症無疑當以白虎湯加人參因兒患肺熱且止仲淳  
 再診之曰暑邪客于皮膚分肉有熱無寒是為痺瘧  
 斷當用白虎湯連服二十劑不効鼻露眼開口不納氣  
 勢甚危叩仲淳曰此正氣不足勝邪也偶思刺瘡論  
 有云凡瘡先時一食頃乃可治過時則失之也又云  
 無刺熇熇之熱無刺渾渾之味無刺漉漉之汗意者

服藥不得時耶將前藥分劑煎露一宿鷄鳴溫服之  
 病頓失更不須調理精神漸復經年無病以此知仲  
 淳察病望氣靈心慧眼又知服藥貴及時當早服晚  
 投當晚服早投當熱而溫當溫而熱均失之也 此  
 玉函自定案

傷暑霍亂神方

包瑞溪學憲傳仲淳累驗

絲瓜葉片白霜梅肉枚一枚并核中仁同研極爛新汲水

調服入口立瘥

又方 馬銘鞠傳

用粟米連殼搗碎煎湯溫服下口立愈屢試神效

又方 梁谿顧聖符傳

取菰苳葉搗汁一碗飲之立愈

又方

高存之家僕婦患此仲淳以砂仁一兩鹽一撮沸湯調

冷定服一劑愈傷冷物者加吳茱萸四錢

又方

用青蒿嫩葉手揉如豆大井水吞下數枚立愈

治中暑昏眩煩悶欲死

挖地深尺餘取黃土以新汲水調化飲一二碗立愈

又方

取田中泥漿塗臍上冷壯者溺其上全溺口中得咽立起

治中暑大小便不通

用田螺三枚搗爛入青鹽二分攤成膏貼在臍下一

寸即愈

瘧

如發熱口渴先服此方二劑

麥門冬五錢知母錢五分硬石膏研細五錢竹葉三十片粳米

撮煎八分不拘時服

治熱多作吐頭痛口渴無汗或汗少

白茯苓錢三橘紅錢二山查肉錢二竹茹錢二知母蜜炙錢二麥門

冬錢四硬石膏研細錢五

治寒多熱少無汗

乾薑一錢柴胡五分廣皮吳茱萸白朮土炒各三錢○如

吐嘔而寒甚者此方去柴胡當歸加入參錢二半夏薑汁

炒○如濕去當歸加茯苓錢二○如有食脾胃不健

第二方去當歸加白芷薏末七分○如寒熱相半及先

寒後熱者第二方加黃芩錢一○如汗多加白芍藥酒

三錢黃耆蜜炙錢三去柴胡○如傷食必惡食第二方加山

查錢五白芷薏末七分神麩錢二厚朴薑汁炒錢一○如渴甚

者不可用半夏當用第一方加天花粉錢二倍用麥門

冬知母須三四劑方可換健脾胃藥或兼用健脾胃

藥如白茯苓白朮廣陳皮白芍藥人參白芷薏山查

等劑是也○如寒甚只用第二方加入參錢五生薑片五

○如寒熱俱甚久不止者前方中去白朮乾薑加鱉

甲醋炙研極細錢二地骨皮錢二麥門冬錢五牛膝錢五

太陽經瘡頭痛遍身骨痛項脊覺強主方如渴

則兼陽明矣

羌活二錢此係前胡一錢猪苓錢一澤瀉炒錢一陳皮二

○惡寒加薑皮甚則加桂枝○渴則加乾葛○渴甚

汗多加麥門冬知母竹葉白朮○久病用黃耆○虛甚加入參

治秋深寒熱甚而汗多者

人參白虎湯中加桂枝素有血證及咳嗽者勿用參桂

陽明經瘧熱甚渴甚煩躁惡人聲惡心不眠主方

硬石膏研麥門冬各五錢加至知母去皮蜜炙三錢加至竹葉四片加梗米撮水三大碗煎一碗不拘時服○如瘧初發汗未大透本方加乾葛三錢○痰多本方加

括婁根三錢橘紅三錢竹瀝杯○如嘔本方去竹葉換竹

茹三錢橘紅三錢○汗多本方去乾葛加入參二錢元氣虛倍之

白朮三錢○如兼惡寒甚指爪色黯本方加桂枝五錢

○頭痛骨痛又兼前症此太陽陽明也本方加羌活

二錢○如在秋末冬初又兼惡寒加桂枝一錢每日下午

別服開胃健脾消食消痰兼除寒熱瘧邪藥一劑方

具于後

麥門冬五錢鱉甲三錢加至廣橘紅一兩人參各三錢加至

勿用白荳蔻仁四分加白茯苓三錢烏梅肉一枚白朮三錢

四錢胃熱及肺牛膝酒洗二錢水三鐘煎一鐘研入

先星齊筆譜

白苳蔻末乘熱服○如熱甚而嘔加木瓜三錢枇杷葉三錢竹茹二錢○如虛寒胃弱有痰有濕因而嘔者加三錢半夏是加至半杯渴而便燥者勿用

少陽經瘧往來寒熱相等口苦而嘔或兼耳聾  
脅脅痛主方

小柴胡湯柴胡黃芩半夏甘草人參 鱉甲三錢至七錢

牛膝橘紅各三錢至五錢○如惡食本方加枳實二錢白苳

蔻五分○如有肺火本方去人參半夏加麥門冬五錢牛

膝鱉甲橘紅如故○如瓜黷便燥及痰盛方中去半

夏加當歸三錢竹瀝一大杯○惡寒甚本方加桂枝一錢至二錢

錢 生薑皮三錢至五錢○如兼陽明渴欲引飲此少陽陽

明也本方去半夏加石膏八錢麥門冬五錢竹葉三十片每

日下午別服開胃健脾消食消痰兼除寒熱瘧邪等

藥劑如前方

太陰脾瘧寒從中起寒甚而後熱嘔甚嘔已乃

衰主方

桂枝二錢人參三錢白芍藥酒炒三錢薑皮三錢水二鍾煎一鍾

空心饑時各一服再煎五六分下午別服開胃健脾

消食消痰兼除寒熱瘧邪藥如前方

少陰經瘧惡寒心煩而渴小便艱澀無汗躁飲

去衣或手足冷或欲飲水或咽痛主方

鱉甲牛膝各二錢至七錢知母二錢至五錢桂枝一錢至二錢細辛五分

橘紅三錢白茯苓三錢猪苓一錢澤瀉一錢人參三錢有肺薑火勿用

皮一錢至三錢水二鍾煎八分空腹饑時各一服○如寒

甚倍人參薑皮○如熱甚倍鱉甲牛膝加烏梅肉有

痰加竹瀝下午別服開胃健脾消食消痰除寒熱藥

大畧如前方

厥陰經瘧色蒼蒼然善太息不樂主方

桂枝一錢至三錢柴胡一錢至三錢鱉甲二錢至四錢當歸三錢至五錢

橘紅二錢至三錢牛膝二錢至五錢何首烏五錢水三碗煎一碗

空心饑時服○便燥及昏暈欲死本方加麥門冬竹

瀝下午別服開胃健脾消食消痰除熱藥如前方○

如有肺火及內熱去桂枝加知母三錢

治陽分間日瘧寒熱俱甚煩躁舌胎

硬石膏三兩知母五錢麥門冬一兩竹葉一百片栝婁根六錢

貝母五錢廣陳皮三錢發日加入人參五錢有肺薑火勿用

夜煎成露一宿五更服

治隔一日一發先熱後寒熱少寒多午時發頭

疼筋骨痛唇燥口乾惡心無汗後半夜凉天明

頭痛止上

羌活二錢頭不乾葛二錢陳皮三錢麥門冬五錢知母二錢  
生薑皮二錢炙甘草五分何首烏五錢水二鍾煎八分露一  
 宿天明溫服

治胎前瘧熱多口渴方

黃芩酒炒二錢柴胡一錢硬石膏五錢至麥門冬去心五錢  
 知母去皮蜜炙忌鐵二錢廣橘紅二錢白茯苓三錢竹葉  
 五十片至一百片○胃虛加人參三錢河水二碗煎八分  
 饑時服發日五更溫服滓再煎六分分進○如熱甚  
 寒亦甚本方加生薑皮二錢白朮三錢  
 治胎前瘧寒甚不渴少汗方

人參生薑皮各五錢廣橘紅去白二錢河水二碗煎  
 八分五更溫服再煎五六分分進寒甚者陽氣虛而  
 下陷也益陽氣則寒自止邪自散矣故應多服人參  
 如汗多并加黃耆五錢

治產後瘧主方

當歸三錢至柴胡一錢鱉甲四錢至牛膝一兩白茯苓三錢  
 廣橘紅三錢生薑皮二錢乾薑炒黑四分水二鍾煎  
 八分露一宿五更溫服○如渴加麥門冬六錢竹葉五錢  
 片青蒿三五錢去生薑皮乾薑○如渴甚更加知母三錢括婁根三錢  
 ○痰多并加貝母四錢○如脾胃弱加人參二錢至元

氣虛亦如之。○有肺熱者去人參加白芍藥錢四。○如汗多加黃耆三錢至五錢。○寒甚加桂枝七分至一錢。○乾薑七分。○如惡露未盡亦如之。并加益母草錢五。黑豈一兩。蘇木五錢打碎別以藥煎。熱多加青蒿三四錢。

治三日瘧寒多

當歸酒洗二錢 桂枝一錢 乾薑二錢 廣陳皮五錢 何首烏洗  
切片 人參三錢至五錢

治三日瘧寒熱俱甚或早晏不齊作止不一

鱉甲 牛膝 何首烏 廣橘紅 麥門冬各五錢 知母 桂枝一錢 薑皮三錢 無烏梅一枚 乾葛三錢 汗多或嘔去之

無汗倍之 水三鍾煎一鍾露一宿發日五更溫服渣再煎七分餘日空心饑時服。○如渴加石膏兩 竹葉五十 渴止去之。○氣虛加人參五錢。○如汗多加黃耆三錢 兼便燥加歸身五錢。○不思食及食難化加人參五錢 白豈七錢 厚朴一錢。○如泄去石膏知母竹葉倍白朮加茯苓三錢 車前子二錢 肉豆蔻一錢 澤瀉一錢。○痰多加竹瀝一大杯。

治三日瘧熱多渴甚

鱉甲 牛膝 何首烏 麥門冬各五錢 知母四錢 橘紅五錢 石膏八錢 竹葉三十片 水三大碗煎一碗露一宿發日

五更温服○如惡食加青皮醋炒五分白豆蔻仁七分無汗或有汗而少加乾葛四分○汗多本方加入參白朮氣虚倍加入參○如嘔本方加竹茹烏梅○便燥加當歸○得汗渴止去石膏乾葛下午別服開胃健脾消食消痰藥如前法

治三日瘧寒多熱少汗少或無汗

人參 白朮各五錢至一兩橘紅四錢至六錢桂枝二錢至三錢薑皮五錢至一兩白豆蔻仁七分水三碗煎一碗露一宿發日五更温服渣再煎七分連進不拘時空心饑時服

治三日瘧陰分黃氏姑服之立起

何首烏二兩牛膝一兩當歸五錢鱉甲醋炙一兩廣橘紅三錢水三鍾煎一鍾空心服立愈虚極者加入參一兩

治三日瘧

人參一兩生薑皮五錢水二鍾煎八分空心服○于中父病瘧初服此不效仲淳堅持此方加參至三兩生薑皮至一兩一服即起五錢

治瘧邪未盡而痢作者先服此方二三劑

鱉甲三錢廣陳皮去白三錢白茯苓三錢柴胡一錢白芍藥三錢乾葛一錢○如惡寒寒熱交作加柴胡二錢生薑皮一錢○如渴去薑皮加寒水石七錢滑石四錢○如無汗加乾葛二錢

至三錢可服參者加參三錢

次服方 服之滯下必止

乾葛二錢升麻醋炒七分蓮肉去心四十分炙甘草一錢烏梅肉  
 二廣橘紅三錢白扁豆炒二錢鱉甲二錢白茯苓二錢白芍藥  
 酒炒黃芩五錢川黃連土炒二錢河水二鍾半煎  
 八分調水飛過滑石末四錢兼吞滯下丸二三服送以  
 葛根湯或蓮子湯亦佳○如腹痛以炒砂仁三四錢  
 濃湯吞滯下丸

治久瘡不已似勞證

當歸酒洗五錢牛膝酒浸五錢鱉甲三錢何首烏自採鮮者五錢廣橘紅

三生薑皮二錢五分柴胡一錢五分已上二十味貝母三錢水

三鍾煎一鍾加竹瀝一大杯發日五更時服隔夜先煎露一宿臨服時再重湯頓溫蓋瘡者暑氣為病也暑得露即解世鮮知者

防瘡方 夏秋不輟必無瘡矣

何首烏十二兩真茅山蒼朮十兩半夏六兩橘紅八兩人參四兩  
 白茯苓八兩藿香葉三兩白豆蔻仁一兩為細末米粉糊加薑汁丸如菜豆大每五錢下午及臨卧白湯吞仲淳年十七時為瘡所苦凡湯液丸飲巫祝靡不備嘗終無抹干病徧檢方書迺知瘡之為病暑邪所致

也經曰夏傷于暑秋必痲瘧遂從暑治不旬日瘵後數以意消息散邪之外專養胃氣痰多者消痰氣虛者補氣血虛者益血又分臟腑經絡各從其類以施向導即經年不愈者竟霍然起矣

沈少卿中丞請告時苦瘧仲淳往診之憊甚曰再一發死矣先生何方立止之仲淳曰何言之易也疏三方作五劑一日夜飲盡次早瘧止先二劑清暑用大劑竹葉石膏湯加桂枝以其渴而多汗也次二劑健脾胃去積滯用橘紅白豆蔻白朮茯苓穀蘖烏梅白扁豆山查麥芽最後一劑人參一兩生薑皮一兩水煎露一

宿五更溫服盡劑而効

顧伯欽患瘧仲淳之門人疏方以白虎湯加入參一兩庸工云豈有用參至兩數者乎改用清脾飲二十餘劑而瘧不止體愈弱仲淳至咲曰此虛甚非參不可吾徒不謬也投以大劑參芪一劑而瘧

人參一兩黃耆一兩知母五錢陳皮二錢乾葛二錢甘草八分

石膏五錢

存之甥女嫁後患胎瘧久不止仲淳云病在陰分以人參五錢牛膝一兩兼健脾胃清暑一劑而止

章衡陽子室患瘧後失音寒熱愈甚告急仲淳仲淳

云此必瘧時不遇明眼人妄投半夏故也投以大劑  
麥門冬 白茯苓 炙甘草 鱉甲 知母 貝母  
數劑瘳

治停食發瘧

梁溪王興甫偶食牛肉覺不快後遂發瘧飲食漸減  
至食不下咽已而水飲亦不下白湯過喉間嘔出作  
碧色藥不受小便一滴如赤茶大便閉諸醫束手仲  
淳忽至視之令仰臥以指按至心口下偏右大叫因  
詢得其由用丸藥一服至喉輒不嘔水道漸通次日  
下黑物數塊如鐵丸藥用礬紅和平胃散作末棗肉

和丸白湯下三錢其病如失再以人參五錢麥門冬五錢  
橘紅三錢白芍藥三錢水煎服四日起

痢

滯下如金丸

滯下俗呼痢疾

真川黃連真薑汁浸隔土如法細末薑汁和水跌丸  
如梧子大貯磁器中封固如胃弱以蓮子四十粒橘  
紅二錢人參二錢升麻七錢煎湯吞四錢○腹痛以白芍  
藥三錢炙甘草一錢黃檗一錢升麻七錢煎湯吞四錢已後  
各條加減皆以丸藥四錢為率○裏急甚以白芍藥  
三錢炙甘草一錢當歸二錢升麻七錢煎湯吞四錢○後重

甚加檳榔五分錢枳殼一錢木香汁七匙調入○口渴調滑石末三錢去木香○小便赤澁短少或不利加滑石末三錢調入各症湯中吞藥○赤多加烏梅肉二錢山查肉三錢紅麴二錢○兼裡急用當歸等加入如前方○白芨加吳茱萸湯泡一分黃芩酒炒一分○惡心飲嘔即噤口痢多加人參石蓮肉綠色升麻醋炒可用至八分或一錢白藕莖炒三錢白芍藥酒炒三錢○久痢不止加肉豆蔻一錢蓮肉去心三錢砂仁炒一分人參三錢白藕莖炒去殼二錢炙甘草一錢橘紅二錢白芍藥酒炒三錢白茯苓二錢細末煉蜜丸如梧子大每服三錢米湯下若積滯未盡加滑石末三錢每服

四錢白湯吞○水瀉無積滯者用人參橘紅炒砂仁湯吞三錢○凡治滯下非元氣壯實多噉能食之人慎勿輕用大黃巴豆牽牛等下藥○凡產後滯下積滯雖多腹痛雖極不可用大黃等藥行之致傷胃氣遂不可救但用人參白芍藥當歸紅麴升麻醋炒益母草加炙甘草一倍滑石末四五錢足矣○若惡露未盡兼用乳香沒藥各七分炒砂仁末一錢久之即愈血虛可加阿膠二錢蛤粉炒○凡胎前滯下宜用黃芩黃連白芍藥炙甘草橘紅赤麴枳殼蓮肉炒畧用升麻末滿七月勿用滑石

護心奪命丹

治虛弱人患痢及痢久脾胃虛者

肉豆蔻

一兩五錢

白芍藥

六兩

炙甘草

一兩

廣橘紅

三兩

荳蔻

三兩

滑石

六兩

赤麩

四兩

蓮肉

去心炒焦

醋炒

二兩

川黃連

切片拌好酒同吳茱萸浸二宿

兩五錢

細末

煉蜜丸

如菘豆大每服三錢白湯吞

如噤口痢并虛弱人即以前方中去豆蔻另用人參

三錢煎濃湯吞

又滯下丸

川黃連

如法製

滑石末

八兩

檳榔

四兩

炙甘草

三兩

木香

末

和水隔湯燻

枳殼

炒五兩

白芍藥

酒炒五兩

細末

荷葉湯稍

和

水

隔湯燻

枳殼

炒五兩

白芍藥

加薑汁糊成丸如菘豆大每服三四錢烏梅湯吞

若加吳茱萸白菹豆陳皮各三兩治白痢作四樣一

無木香一無檳榔枳殼一加當歸一加吳茱萸白菹

豆橘紅去檳榔枳殼○燥熱煩渴惡心者勿用木香

○元氣虛弱者勿用檳榔枳殼○積滯多而後重者

用檳榔枳殼○裏急色赤者用當歸惟惡心嘔吐及

不思食者勿用○久痢加肉豆蔻

治血痢痛甚湯液

仲淳傳自包瑞溪學憲試之神效

白芍藥

酒炒五錢

枳殼

槐花同炒去

升麻

醋炒

七錢

真川黃連

薑汁炒

滑石末

三錢

乳香

沒藥

各七分

山

五厘

查肉三錢甘草五分

治噤口痢神效

綠色升麻醋炒一錢人參三錢蓮肉去心炒焦黃三十枚水一鍾煎半

鍾飲之蜜和為丸更妙每四錢一服白湯吞

治火痢紅中兼有青色白痰間發熱

真川黃連槐花炒一錢五分白芍藥酒炒二錢廣陳皮三錢人參一錢

蓮肉炒十枚肉豆蔻八分炙甘草五分山查肉二錢綠升麻醋炒五分

砂仁炒一錢滑石末二錢五分調服

治噤口痢吐不納藥者

人參兩一川黃連薑汁製五錢石蓮子炒去心五錢水二鍾煎八

分小杯緩服之吐止痢亦止

大黃丸痢初起壯實者可用胃弱者禁施

川大黃切片蜜蒸一觔白芍藥酒浸切片炒六兩甘草炙三兩檳榔四兩

木香切片不見火為末一兩枳殼炒四兩細末煉蜜同水煎木香

和搗為丸如菜豆大白萊服湯吞三錢重者五錢以

行兩三次腹中爽快為度胃氣虛極之人勿輕用之

積滯重而元氣虛者以人參湯吞孕婦以人參縮

砂湯吞行後另用人參丸補之

予家夏秋患此甚眾輒依前方療之歲為常分以應

里中之索方者一一神驗黃聚川年兄太夫人年八

十餘偶患痢，胃隔脹絕粒數日，予以升麻人參黃連蓮肉，左授之。參至一兩，諸子駭甚，再問予，予曰：遲則不救矣。一劑，噉粥，再劑，腹中響，一泄痢即止。今年九十餘尚健也。

陳赤石督學因校士過勞，感暑遂滯下純血，鑿皆難之。陳刺史曰：此非繆仲淳莫能療也。使者旁午得之，吳門一日夜馳至。武林仲淳診得其所由，遂用人參五升，麻七炙甘草一錢，烏梅二枚，紅麴五分，川黃連三錢，白芍藥二錢，蓮肉四錢，煎調滑石末五錢，二劑而愈。督學曰：痢止矣，心搖搖不能閱卷，奈何？仲淳曰：此勞心太

過暑因容之故，爾加竹葉乾葛酸棗仁一劑，遂平。姚公遠幼子病痢，一盤誤下之，遂下純血，氣喘身熱，不思食。仲淳偶至，亟以人參四錢，石蓮子白芍藥升麻橘紅草石蠶白菡豆滑石末炙甘草，投以一劑，喘平，血止。又數劑，痢止。仲淳臨別，囑公遠曰：兒百日內，不出痘，則生以下多，元氣未復，故也未幾，即痘果殤。家弟稚端幼病痢，甚日夜數十次，服數劑即愈。人參三錢，吳茱萸一錢，滾湯泡七，川黃連一錢，薑汁炒，後二味飯鍋上蒸水煎至八分，溫服。如不受，以藥一匙間米湯一匙，漸漸飲之，胃氣漸復，如頭痛發熱，煎方中加寒

治按日之誤

先西齊集

一卷二十六

十六

水石六錢即硬石膏乾葛錢一別調六一散四錢冷水服

庚子秋華氏妹歸寧忽痢日夜幾百行身熱發嘔一嘔數十聲不絕吳鑿爭欲下之且曰補即死矣時仲淳以先王妨病留湖濱憐其促治後事甚亟曰既已知危何不以藥試之服如金九因思飲予固守仲淳前方以人參五錢炒黃連 白藕豈 升麻 滑石 炙甘草 橘紅再進如金九十劑勢稍定更數服愈華水部至今感服

治濕熱腹痛

一少年貴介暑月出外飲食失宜兼以暑熱遂患滯

下途次無藥病偶自止歸家腹痛不已徧尋諸醫之藥藥入口痛愈甚亦不思食仲淳視之曰此濕熱爾其父曰鑿亦以濕熱治之而轉劇仲淳曰投何藥曰蒼朮黃連厚朴枳殼陳皮等仲淳曰誤也朮性溫而燥善閉氣故滯下家忌之郎君陰虛人也尤非所宜更以滑石一兩為細末以牡丹皮汁煮之別以白芍藥酒炒炙甘草錢二炒黑乾薑錢五水煎調滑石末服之須臾小便如注痛立止

秦公蕃病痢鑿誤投瀉劑一服痢止濕熱無自而出遍攻肢體骨節間以致項強目赤肩臂腕膝足脛俱

先醒承筆已

十七

43  
2073

發腫痛甚不能轉側仲淳疏方寄之用白芍藥石斛  
 牛膝木瓜黃蘗意以仁炙甘草車前子茯苓痛雖止  
 尚不能轉側更用蒺藜菊花何首烏胡麻黃蘗炙甘  
 草復逾年愈其始病時一鑿稍投參朮痛極欲死此  
 係本症陰虛有火又加濕熱暑濕交攻故現此症各  
 痢風陰虛火多故不受補又不宜燥惟微寒清平之  
 劑調之久之自愈  
 已上瘡痢二門諸方皆仲淳斟酌所定因證加減與  
 時消息可謂詳且盡矣然不盡用方書所載投之輒  
 效百不爽一蓋獨開門戶者也

卷二十七

作  
日  
仁  
不  
小  
子  
好

發腫痛甚不能轉側仲淳疏方寄之用白芍藥石斛  
 牛膝木瓜黃蘗意以仁炙甘草車前子茯苓痛雖止  
 尚不能轉側更用蒺藜菊花何首烏胡麻黃蘗炙甘  
 草復逾年愈其始病時一鑿稍投參朮痛極欲死此  
 係本症陰虛有火又加濕熱暑濕交攻故現此症名  
 痢風陰虛火多故不受補又不宜燥惟微寒清平之  
 劑調之久之自愈

已上瘡痢二門諸方皆仲淳斟酌所定因證加減與  
 時消息可謂詳且盡矣然不盡用方書所載投之輒  
 效百不爽一蓋獨開門戶者也

43  
2073

Handwritten notes on a folded paper slip, including the characters "小方" and "小方" written vertically.

Handwritten notes on a folded paper slip, including the characters "小方" and "小方" written vertically.

